

Il spagnol en il mund

Forza e flaivlezzas d'in linguatg planetar

DA GUIU SOBIELA-CAANITZ

■ «Ils Stadis unids, in pajais dividì?» (1) sa dumonda Samuel P. Huntington. Il politolog american examinescha la pussaivladad ch'ina gruppera d'immi-graziun adina renovada, quella da linguatg spagnol, n'emprendia betg pli l'englais, quel cement enfin uss in-contestà da la nazion la pli ferma dal mund. Da México e da las Antillas culan vers nord flums permanents d'umans che siemian d'ina vita nova en il pajais da las vistas senza cunfins. Plaun a plaun s'integreschan els en la societat da la superpuissance. Ils ins, u lur uffants, em-blidan il spagnol in pau a la giada; lur derivanza ves'ins be pli vid lur num. Ma l'assimilaziun na va betg uschè tgunsch en regiuns nua ch'i dat gial blers «latinos» che restan en contact cun la patria da pli baul, t. a. grazia a radio e televisiun. Ils pajais federatifs dal sid (Florida, Texas, Arizona, California eue.) quintan porporziuns relevantas da populaziun da linguatg spagnol, discurri en 20% da las famiglias texanas e 18% da las californianas, tschartscha da passa 30 milliuns carstgauns en ils Stadis unids (SU, 270 milliuns olmas). Ella è la suletta verva neolatina che progreschera; ins calcule-scha ch'ella vegnia discurruda da 350 milliuns umans, en blers cas dentant sco seconda tschartscha. Las Nazions unidas (NU) han be sis linguis da lavour, t. a. duas neolatinas; ina è il spagnol, il linguatg da México, pajais da 90 milliuns olmas limitrof dals SU e che vul sa coliar pli strengamain cun ses grond vischin «gringo». Tgi sa sche quest na sto ina giada renconuscher en tutta furma la tschartscha da sia «curt interna» («backyard») era sin ses agen sulom, a nord dal Río Grande e dal Chanal da Florida?

Da Chile a México

Il spagnol è la lingua uffiziala da desch-dotg pajais americans, da Chile e l'Argentina (15 e 36 milliuns olmas) enfin a Cuba (11 milliuns) e México. En plis da lezzas terras vivan tschartschas pli ve-glias ch'ils conquistadurs castiglions udivan gia là en il 16avel tschientaner; var-saquants stadiis las renconuschan, per exemplil Paraguai areguard il guaranì, la Bolivia ed il Perù areguard il che-tscha e l'aimarà. Dentant resta il spagnol il linguatg da l'elita, la cultura e l'administraziun. La Brasilia (165 milliuns olmas), da tschartscha portugaisa, introducescha plaun a plaun il spagnol sco emprim linguatg ester en las scolas. En las Antillas ollandaisas e sin l'insla d'Aruba (en total 200 000 olmas) discurr'ins papiamento, ina maschaida d'ollandais e spagnol.

En l'Africa

En l'Africa perencunter perda il spagnol terrain a favor d'autras duas linguis da lavour da las NU. El è bain il linguatg matern ed uffizial sin las Inslas canarias (1,6 milliuns olmas), regiun da Spagna geograficamain africana. Ma a pauca distanza para la suveranitad da Maroc da sa francar en l'antieriura Sahara spa-nola, da tschartscha araba, uschia ch'il franzos vegna a remplazzar adina dapli ses frar neolatin per la communicaziun da lez territori cun l'Occident. Lezza verva galloromana progreschera er en Guinea equatorialia (430 000 olmas), da linguatg uffizial spagnol ma en contact streng cun trais stadiis francofons (Camerun, Congo e Gabun). A la Spagna appartegnan anc Ceuta e Melilla (ensembe 130 000 olmas), duas «plazas da soberanía» africanas visavi l'Andalusia, cun populaziun linguisticamain masdada.

Musculs fermes, tscharvè flaivel

La Spagna quinta var 40 milliuns olmas, main ch'il México u la Colombia. Den-tant è la seguir il pajais il pli impurtant da



El Escorial (Madrid), monument da fossa da Carl I da Castiglia (imperatur Carl V, 1500–1558). El dominava ina gronda part da l'America.

MAD

linguatg spagnol, e quai era grazia a sia commembranza en la Uniun europeica che ha stimulà sia economia. Passa in quart da la populaziun discurra in'altra tschartscha; dentant obligeche la constituziun dal reginam mintga burgais expressivamain d'enconuscher il spagnol. Uffizials sin stgalim regional èn il basc, il catalan ed il «galego», idiom dal portugais duvrà en la Spagna dal nordwest enturn Santiago. En Spagna sa palentan pir endretg las varts suleglivas e sumbrivaunas da la cultura spagnola. Gist lez cumond constituzional mussa sia tempra autoritara e sia pauca tolerance. Da la dimensiun mundiala dal spagnol, sco vehichel spiertal en indumbrabels centers e posts d'educaziun e perscrutaziun, resulta ina vasta producziun da cedeschs en ils blers roms dal sa-vair. Ma la lectura da la pressa mussa in-actividad intellectuala mediocra, e quai 25 onns suenter la fin da la dictatura; ina gasetta spagnola na cuntanscha tut-tavia betg il stgalim che nus enconuschain per englais, franzos, talian u tudestg. La cultura spagnola d'oz è sco in um cun muscels fermes e tscharvè flaivel. I dat segir buns auturs; Iso Camar-tin ha ludà «Yo, el Supremo», roman dal scriptur da Paraguai Augusto Roa Bastos ch'el ha legì en translaziun tudestg: «Ina descripziun grondiusa da l'America latina ed ina chapientscha commoventa da la fom da pussanza» (2). Ma è il Paraguai vairamain «latin» cun sia maioritad guaranida? La regenza socialista spagnola da Felipe González ha fixà sco festa naziunalia nel «Día de la Hispanidad», anniversari da l'emprima sbartgada, pia inva-siun, da caravellas castigliones en l'America ils 12 d'october 1492; però il spiert «hispanic» na splendura dapli pervi da quai. Tge gidi pia da sa far da grond cun la cifra da 350 milliuns?

Ina provocaziun massiva

Pauc tscharvè ha mussà dacurt, deplora-blamaín, in Spagnol uschiglio bain scola e fitg scort, numnadamaín il retg. Ils 23 d'avrigl a l'Universitat d'Alcalá de Henares (Madrid), surdond in premi litterar, hal'dit en ses pled ina frasa ch'ins duai l'emprim citar e pir lur translatar: «Nunca fue la nuestra lengua de imposi-ción, sino de encuentro; a nadie se le obligó nunca a hablar en castellano» («Mai, ins n'ha mai sfurzà si nossa verva, anzi, en ella han ins s'inscuntrà; ins n'ha mai obligà nagin a discurrer castiglion [= spagnol, G. S.-C.]»). Il pled era vegni pià dal minister da cultura en la regenza d'ina partida, la populara (PP). Ins po s'imaginar la reacciun da la pressa, cunzunt la basca e la catalana, ad ina provocaziun uschè massiva. Ella n'ha betg be fatg endament ils «inscunters» pauc paschaivels dal 16avel tschientaner trant la soldatesca castigliona ed ils pievels da México e Perú che na l'avevan

tuttina betg clamada, mabain er ils scu-monds repetids da duvrar basc, catalan e «galego» en Spagna dapi il 18avel tschientaner, sco era las indumbrables perditgas da tgi che sut la dictatura da Franco stuiva sa zuppar per discurren ses agen linguatg. A Wettingen/AG ha ina gruppera da Catalans scrit ina brev averta al retg: «Nus, maiestad, enconuschain bain las persecuziuns (...) che bleras administraziuns statalas han perpetrà encunter il linguatg catalan suenter 1714 (...). Oz manegiainsa ch'i ba-segnia in dialog avert e sensa restricziun davart l'istorgia dals pievels da Spagna per promover l'armonia trant els. Nus eschan gia vegls ed avain pati, en nossa infanzia e giuentetgna, experienzas di-ras dal genocidi cultural encunter noss pievel (...) avant l'entschatta da la democrazia e da voss temp d'uffizi» (3). 1714 è stà l'onn da naschientscha da la Spagna unitara cun preponderanza ca-stigliana.

Il pievel basc respunda

Ils auturs dal pled d'Alcalá de Henares han survegnà ina resposta clera ils 13 da matg, cur ch'il pievel da l'Euzcadi (2,1 milliuns olmas), la regiun basca en Spa-gna, ha elegì ses parlament. La PP e sia alliada provisoria en l'Euscadi, la Partida socialista (PS), speravan da cuntanscher ensemble la maioritad absoluta e furmar la regenza basca. En lur program stava l'empermischun da franar la promozion dal basc, il linguatg il pli vegl da l'E-uropa. Dentant faschevan ellas il quint senza l'ustier, pia il pievel. Lez ha dà a la PP e PS ensemble be tuttina blers sezs sco en il parlament anteriur. Guadagnà sezs (33 empè da 29) perencunter han las dues partidas moderadas bascas manadas da Juan José Ibarretxe, il presi-dent d'enfin ussa, il qual ha già fatg bler per promover il linguatg. Uschia èl rin-forzà per far progredir l'Euzcadi en ina situaziun greva trant dus naziunalis-sems, quel dals terroristas che mazzan e quel (spagnol) da la PP e PS che spret-schan. La proclaimaziun dal «Día de la Hispanidad» ha mussà, ed il pled d'Al-calá de Henares ha confirmà, ch'ins vegn anc a duvrar temp e perseveranza per cuntanscher ina vaira convivenza trant il spagnol, linguatg mundial, e tschartschas pli veglias che vulan era vi-ver.

1) Samuel P. Huntington, *The Clash of Civilizations and the Remaking of World Order*. Edizioni da giaglotta, Londra (Touchstone Books, ISBN 0-684-81987-2) 1998, p. 205

2) «*Ihr Buch des Jahres*», en: Schweizer Mo-natshefte, decembre 2000, 8006 Turitg (Vogel-sangstrasse 52, fax 01 363 70 05, posta electro-nica schweizermonatshefte@swissonline.ch) p. 70

3) Text en il bulletin «Ginesta», nr. 21, zercladur 2001. Adressa: Casa Nostra de Baden-Wettin-gen, Postfach 42, 5430 Wettingen 1